

"КОЛУМБ ЛУДМАШ" КНИГА ПРЕЗЕНТАЦИЙ

«Морко памаш» клубыш кошшо-влаклан, лудмывер ден районысо школышто тунемше, туныктышо, сылнымутым йӱратыше-влаклан марий поэт, Россий Федераций ден Марий Элын сулло журналистше Юрий Исаковын «Колумб лудмаш» книга презентацийже эртыш. Марий Эл Республикын сулло журналистше А.А.Петров, марий бард Г. В. Григорьев вашлиймашын унаже лийыныт.

Авторын каласкалымыже почеш, книга «Марий Эл» газетлан 110-ий теммылан да Валентин Ко-

лумбын шочмыжлан 90-ий теммылан пӧлеклалтын. «Нине кок лӱмгече коклаште могай кыл уло? Мемнан тӱн марий газетна марий сылнымутын мастар еҥже-влаклан, тидын шотыштак поэт-влаклан, кугу вниманийым эре ойырен. Тиде пашам тӱн шотышто шкеак шуктен шогенам да кызытат шуктем», - палемден Юрий Валентинович.

Александр Петров икымше Колумб лудмаш нерген каласкалыш. Конкурс 1994 ийыште Нурӱмбал ялыште эртен. Тунам Геннадий Григорьев В.Колумбын почеламутшылан возымо му-

рымат йонгалтарыш.

М.Н.Семенова, рӱдерандыме Морко книгагудо системын директоржо, тыгай вашлиймашын кӱлешлыкшым палемден да сылнымут аланыште сенымашым тыланен.

Рӱдӧ книгагудын пашаенже-влак Валерий Апакаевын мутшылан возымо «Мыйже кӧ улам тылат» мурым йонгалтареныт.

Энерсола, Октябрьский, Шӱргыял да Морко 1-ше №-ан школын тунемшыже ден туныктышо-влакат мероприятийышке ушнен, шке мастарлыкшым ончыктеныт.

